

### **TERURA EKSPLODO EN TULUZO: DETRUITA LA RADIOSTACIO FMR**

La 21an de septembro okazis terura eksplodo en petrokemia fabriko en Tuluzo (Francio). Feliche neniuj E-istoj vundighis, nur estis damaghoj en la domoj de du el ili, kaj la studioj de Radio FMR, kie oni faras la E-Programon "E-Magazino de Tuluzo", estas tute detruita. Oni devos trovi denove rapide novan ejon por restarigi la radio-stacion, kiu jam translokiĝis antaŭ 2 jaroj post forŝtelo de la tuta materialo. Intertempe la programo daŭros en du aliaj stacioj: Radio Canal Sud kaj Radio Okcitanio.

Kuraghigaj mesaĝoj bonvenas ĉe "E-Magazino de Radio FMR"

<[fmr@radio-fmr.net](mailto:fmr@radio-fmr.net)>

au ĉe la sekretario

<[alexandra.marcou@wanadoo.fr](mailto:alexandra.marcou@wanadoo.fr)>.

### **ANTAUMEND-KAMPANJO POR ESPERANTA DISKO DE MORICE BENIN**

Morice Benin estas kantisto konata en Francio pro dudeko da kompaktaĵoj kun progresemaj kanto-tekstoj. Li sukcese koncertis en Strasburgo la 1an de aprilo 2000 okaze de E-kursaro. Li intencas eldoni ĉe Vinilkosmo diskon, kiu prezentos dekduon da sukaj titoloj eliritaj el liaj albumoj, tradukitaj de elstaraj E-istoj. Por subteni tiun ĉi projekton kaj konatigi E-on al la franca progresema publiko, petu la antaumendilon ĉe

<[vinilkosmo@esperanto.org](mailto:vinilkosmo@esperanto.org)>.

### **INSTRUU LA ANGLAN KAJ ESPERANTON EN ĈINIO**

Jilin-provinca E-Asocio (Ĉinio) serĉas 4 ĝis 8 eksterlandanojn por profesie instrui la anglan kaj krome helpi disvastigi kaj instrui E-on. Ili ricevos loĝadon, manĝadon kaj taŭgan salajron.

Skribu al

<[kokosoto@263.net](mailto:kokosoto@263.net)>;

vidu ankaŭ

<<http://www.kokosoto.org/>>.

### **NOVA RETLISTO: PROGRAMISTOJ RESPONDAS**

Naskighis listo por respondi al demandoj de nespertuloj pri interreto kaj komputado, sed spertuloj ankaŭ uzu ĝin por intershanghi ideojn. Taŭgaj temoj estas, ekzemple: kiel montri supersignojn en retpaĝo, kiel konverti tekston al Unikodo, kie trovi aŭ kiel krei belajn grafikajn, kio estas xml, cgi, pdf, ktp.

La kreinto de la listo ne havas sufiĉan sperton nek tempon por respondi al ĉiuj demandoj, do li petas, ke aliaj spertuloj alighu por helpi.

<<http://groups.yahoo.com/group/programistoj-respondas/>>.

### **KONTAKTOJ SERĈATAJ KUN MEZLERNEJAJ KLASOJ**

Serĉatas instruistoj kiuj havas klason aŭ grupon kie oni instruas (-os) E-on, por subteni la malfermon de E-kurso en franca mezlernejo, kaj poste plani estontajn intershanghojn. La antaŭvidata grupo estas studentoj 13- ĝis 17-jaraj. Speciale utila estus kontakto kun latinidaj landoj kadre de projekto Sokrates-Comenius.

Interesatoj skribu al la instruisto

<[josemanuel.soria@wanadoo.fr](mailto:josemanuel.soria@wanadoo.fr)>

kaj kopie al Joseph Catil, franca sekciestro de ILEI.

<[joseph.catil@wanadoo.fr](mailto:joseph.catil@wanadoo.fr)>.